

25.10.2020

UKA2020/174

Peqqinnissaqarfimmik oqartussaaffiup Naalagaaffimmut uterteqqissinnaanera pillugu Naalackersuisut UKA2021-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiami qulaajarneqassapput oqartussaaffiup Naalagaaffimmut utertinneqarnerani qanoq aningaasatigut, sulisoqarnikkut kiffartuussinikkut, nunatsinnut aamma peqqissartunut kinguneqassanersoq.

(Atassutip Inatsisartuni ilaasortaataitai)

Peqqinnissaqarfimmik oqartussaaffiup Naalagaaffimmut uterteqqissinnaanera pillugu Inatsisartut aalajangiiffigisassaattut siunnersuut pillugu Siumumit imaattumik oqaaseqarfigissuarput.

Nunarput namminersulivinnissap tungaanut ingerlaarpoq imaaliinnarluni unitsinneqarsinnaanani, akisussaaffiillu naalagaaffeqatitsinnit tingooqqakkavut uterartilissagutsigit oqaatigissuarput Siumumit akuersaarnartinningsigu.

Kukkunertut taaneqarsinnaappat nassuerutigisariaqarparput akisussaaffiit tingooqqaleratsigit killuup tungaanit tingooqqaasimagatta, tassami siulliullugit tigusussaangaluaratsigit isaatsitsisutigisinnaasavut.

Siulliusariaqarsimasussaangaluarput inuussutissaqarnermut inatsit kiisalu avammut toqqaannartumik niiverneq akunnermiliuttoqarnani, imatut paasillugu; tunisisumit pisisumut toqqaannaq niiversinnaaneq, taamaalillutami nunatsinni naleqarnerulersitsinerup saniatigut aningaasat pisariaqartitavut tamakkiisut isaatilissagatsigit.

Nalunaarusioqattaartuarnitsigit nunatta iluani aningaasat atugassaraluagut avammut annissuuttuarpagut tamannalu minnerpaaffissaminiittariaqarpoq, peqqinnissaqarnikkut suleqativut ajunngitsumik suleqatigigut Siumumiit isumaqarpugut, taamaattorli suliarisinnaanngisatsinnik suli annertunerusumik suleqatigisariaqarpavut.

Peqqinnissaq Partiilersuunneqartariaqanngilaq, tamattami peqqikkusoqaagut taamaattumik suleqatigiinniarta tunniutiinnartutut pissusilersorata aqqutissaanngilaq, pisinnaalluta nunarsiarmioqatsitsinnut takutinniartigu alliseequtivut piiarlugit tunniutiinnarata.

Siumumiik ataqquilluinnarpavut Partiit pingaartitaat anguniangaasalu assigiinnginnerat, uagullu ornitarput upperaarput namminiilivinnissaq, assoralisimaarnitsivummi suli nukissavut annertunerusut takkuttarput.

Siulivut inortalerpavut taamaakkaluartoq ilinniarsimassutsikkut siuariartorpugut, ilinniarsimasortavut ilinniarsimanngitsullu atorluarniartigit nunatsinni sulisartut imaanilu inuussutissarsiortut, sapikkavut kivissaqqaarpagut.

Taamatut naatsumik Siumumiik oqaaseqarluta aaliangiiffigisassatut siunnersuut una isumaqatiginnginnatsigu oqaatigissuarput, ataatsimiititaliamullu ingerlateqqinnatigu itingartinneqarnissaa innersuullutigu.

Nikkulaat Jeremiassen, Siumut.